



文信國公集卷十四



指南後錄卷之一上

過零丁洋

正月十二日

辛苦遭逢起一經，干戈落落四周星。  
山河破碎風拋絮，身世飄搖雨打萍。  
惶恐灘頭說惶恐，零丁洋裏歎零丁。  
人生自古誰無死，留取丹心照汗青。

上元日張元帥令李元帥過船請作書招諭張少保投拜遂

文信國公集

卷十四

指南後錄

與之言我自救父母不得乃教人背父母可乎書此詩遺之  
李不能強持詩以達張但稱好人好詩竟不能逼

元夕

南海觀元夕茲遊古未曾人間大競渡水上小燒燈  
世事爭強弱人情尚廢興孤臣腔血滿死不愧廬陵

懷趙清逸

匡海真何地驅來坐戰場  
家人半分合國事決存亡  
一死不足道百憂何可當  
故人髯似戟起舞爲君傷

二月六日海上大戰國事不濟孤臣天祥坐北舟中向南

颯哭爲之詩曰

長平一坑四十萬秦人歡欣趙人怨大風揚沙水不流爲楚者  
樂爲漢愁兵家勝負常不一紛紛十戈何時畢必有天吏將明  
威不嗜殺人能一之我生之初尙無疾我生之後遭陽九厥角  
稽首二百州正氣掃地山河羞身爲大臣義當死城下師盟愧  
牛耳間關歸國洗日光白麻重宣不敢當出師三年勞且苦咫  
尺長安不得覩非無虓虎士如林一日不戒爲人擒樓船千艘  
下天角兩雄相遭爭奮擄古來何代無戰爭未有鋒蝟交滄溟  
遊兵日來復日往相持一月爲鷓蚌南人志欲扶崑崙北人氣

文信國公集

卷十四

指南後錄

二

欲黃河吞一朝天昏風雨惡礮火雷飛箭星落誰雌誰雄頃刻  
分流屍漂血洋水渾昨朝南船滿匡海今朝只有北船在昨夜  
兩邊桴鼓鳴今夜船船射睡聲北軍去家八千里椎牛醢酒人  
人喜惟有孤臣雨淚垂冥冥不敢向人啼六龍杳靄知何處大  
海茫茫隔煙霧我欲借劍斬佞臣黃金橫帶爲何人

又六噫

颯風起兮海水飛噫文武盡兮火德微噫鷹鷂相擊兮靡所施  
噫鴻鵠欲舉兮將安歸噫權歌中流兮任所之噫獨抱春秋兮  
莫我知噫

言志

九垓化爲魅億醜俘爲虜既不能變姓名卒於吳又不能髡鉗  
奴於魯遠引不如西皓翁高蹈不如仲連登箕鴻隨繪繳長鯨  
陷網罟鷓燕上下爭誰何螻蟻等閑相爾汝狼籍山河歲云杪  
飄零海角春重暮百年落落生涯盡萬里悠悠行役苦我生不  
辰逢百罹求仁得仁尙何語一死鴻毛或泰山之輕之重安所  
處婦女低頭守巾幗男兒嚼齒吞刀鋸殺身慷慨猶易勉取義  
從容未輕許仁人志士所植立橫絕地維屹天柱以身殉道不  
苟生道在光明照千古素王不作春秋廢獸蹄鳥跡交中土聞

文信國公集

卷十四

指南後錄

三

位適在三七間禮樂終當屬真主李陵衛律罪通天遺臭至今  
使人吐種瓜東門不可得暴骨匈奴固其所平生讀書爲誰事  
臨難何憂復何懼已矣夫易簣不必如曾參結纓猶當效子路

南海

揭來南海上人死亂如麻腥浪拍心碎颺風吹鬢華一山還一  
水無國又無家男子千年志吾生未有涯

有感

海澗龍深蟄山空鳥雜鳴花隨春共去雲與水俱行壯士千年  
志征夫萬里程夜涼看星斗何處是欃槍

張元帥謂予國已亡矣殺身以忠誰復書之予謂高非不亡而夷齊自不食周粟人臣自盡其心豈論書與不書張爲改容因成一詩

高人名若浼烈士死如歸智滅猶吞炭商亡正採薇豈因徼後福其肯蹈危機萬古春秋義悠悠雙淚揮

登樓

茫茫地老與天荒如此男兒鐵石腸七十日來浮海道三千里外望江鄉高鴻尙覺心期濶蹇馬何堪腳跡長獨自登樓時挂頰山川在眼淚浪浪

文信國公集

卷十四

指南後錄

四

海上

天邊青鳥逝海上白鷗馴王濟非癡叔陶潛豈醉人得官須報國可隱卽逃秦身事蓋棺定挑燈看劍頻

贛州

滿城風雨送淒涼三四年前此戰場遺老猶應愧蜂蟻改交已久化豺狼江山不改人心在宇宙方來事會長翠玉樓前天亦泣南音半夜落滄浪

指南後錄卷之一下

出廣州第一宿

越王臺下路搔首歎萍蹤  
城古都招水山高易得風  
鼓聲殘雨後塔影暮林中  
一樣連營火山同河不同

英德道中

海近山如沃村深屋半燕  
乾坤正風雨忼冕總泥塗  
自歎鳶肩薄誰憐鶴影孤  
少年狂不醒夜夜夢伊吾

晚渡

青山圍萬壘流落此何邦  
雲靜籠歸海風清馬渡江  
汲灘供茗椀編竹當蓬窗  
一片沙頭月鷓鴣共影雙

珊瑚吟

文信國公集

卷十四

江南後錄

五

南方有珍禽鳴聲天下聞  
毛羽黑如漆兩臉凝瑠脂  
燕趙佳公子籠檻以自隨  
童子垂綰飲食必以時將獻  
上林苑來巢萬年枝待之豈  
少恩不免劫繫維珊瑚真珊瑚  
碎啄良自悲中原寒氣深風  
土非所宜

和中甫端午韻不佞次

黃茅古道外羸馬發南州  
有客唾齊虜何人念楚囚  
歲年付流水風雨滿滄洲  
手把菖蒲看黑頭非所求

又呈中齋二首

風雨羊腸道飄零萬死身  
牛兒朝共載木客夜爲鄰  
江南

夢蘇那海上貧悠悠看渡誰是濟川人  
萬里論心晚相看慰亂蓬丹成俄已化壁碎尙無緇禾黍西京  
夢川原落日悲斯文今已  
以爲期

竹間

倦來聊歇馬隨分此青山  
手箇清風沙一灣乾坤醒醉  
裏身世有無間客路真希  
終身生半日閑

越王臺

登臨我向亂離來落落千  
一越臺春事暗隨流水去潮聲空  
逐暮天迴煙橫古道人行  
小日墮荒村鬼哭哀莫作楚囚愁絕

文信國公集

卷十四

指南後錄

六

看舊家歌舞此銜杯

南華山

北行近千里迷復忘西東  
行行至南華忽忽如夢申佛化知幾  
塵患乃與我同有形終歸滅不滅惟真空  
笑看曹溪水門前坐  
松風六祖禪師真身蓋斂百年矣爲亂兵封其心肝乃知有患難佛不免況人乎

南安軍

梅花南北路風雨溼征衣  
出嶺誰同出歸鄉如不歸山河千古  
在城郭一時非饑死真吾志夢中行採薇

黃金市

閉蓬絕粒始南州我過青山欲首邱  
巡遠應無兒女態夷齊肯  
作稻粱謀人間早見黃金市天上  
猶遲白玉樓先子神遊今二  
紀夢巾揮淚濺松楸

萬安縣

青山曲折水天平不是南征是北  
征舉世更無巡遠死當年誰  
道甫申生遙知嶺外相思處不見  
灘頭惶恐聲傳與故園猿鶴  
侶夢回江路月風清

泰和

書生曾擁碧油幢耻與羣兒共豎

降漢節幾回登快閣楚囚今

文信國公集

卷十四

指南後錄

七

度過澄江丹心不改君臣誼清淚  
瘦下帷絕粒坐蓬窗

難忘父母邦惟有鄉人知我

蒼然亭

風打船頭繫夕陽亭前老子舊胡  
來城郭荒忠節風流落塵土英雄  
恙江上新松幾許長

床青牛過去關山動白鶴歸  
遺恨滿滄浪故園水月應無

別里中諸友

青山重回首風雨暗啼猿楊柳溪  
頭釣梅花石上尊故人無復  
見烈士尚誰言長有歸來夢衣冠  
滿故園

己卯六月初一日蒼然亭下楚囚立山河顛倒紛雨泣已亥七  
夕此何夕煌煌斗牛劍光溼戈鋌彗雲雷電擊三百餘年火爲  
德須臾風雨天地黑皇綱解紐地維折妾婦偷生自爲賊英雄  
扼腕怒鬚赤貫日血忠死窮北首陽風流落南國正氣未亡人  
未息青原萬丈光赫赫大江東去日夜白

臨江軍

江岸今多噉城居昔屢焚市人半僮父豎子亦將軍蛟哭金洲  
雨猿啼玉觀雲周郎墳土上回首淚成痕

文信國公集卷十四

指南後錄

八

予始至南安卽絕粒爲告祖孺文別諸友詩遣孫禮取黃金  
市登岸馳歸約六月二日復命於吉城下予以心事白諸幽  
明卽瞑目長往含笑入地矣乃水盛風駛前一日達廬陵孫  
禮期不至予且行忍死以待垂至豐城忽有見孫禮於他舟  
乃悟竟不曾往爲之痛哭淋漓暮始見主者取孫禮還舟明  
早遂送之豐城縣縱其自便超之不可及矣予至是不食已  
八日若無事然私念死廬陵不失爲首邱今使命不達委身  
荒江誰知之者盍少須臾以就義乎復飲食如初昔讀左傳  
申包胥哭秦庭七日勺飲不入口亦不聞有它乃知饑蹈西

山非一朝之積也予嘗服腦子二兩不死絕食八日又不死  
竟不曉其何如從者七人或逃心或死或逐今僅存一人曰劉  
榮楚囚之况宜哉

隆興府

半生幾度此登臨流落而今雪滿簪南浦不知春已晚西山但  
覺日初陰誰憐龜鶴千年語空負鵬鷗萬里心無限故人簾雨  
外夜深如有廣陵音

湖口

江湖一都會宇宙幾興亡走馬蘆林外買魚茅舍傍南人撐快

文信國公集

卷十四

指南後錄

九

槩北客坐危檣江水交岷水東流日夜長

安慶府

風雨宜城路重來白髮新長江還有險中國自無人梟獍蕃遺  
有鱸鯨蟄怒鱗泊船休上岸不忍見遺民

池州

五老湖光遠九華山色昏南冠前進士北部故將軍芳草江頭  
路斜陽郭外村匆匆十年夢故國黯銷魂

魯港

方誇金塢築豈料玉床搖國體真三代江流舊六朝鞭投能幾

日瓦解不崇朝千古燕山恨西風捲怒潮

采石

不上峩眉二十歲重來爲墮山河淚今人不見虞允文古人曾有樊若水長江濶處平如驛况此介然衣帶窄欲從謫仙捉月去安得然犀照神物

建康

金陵古會府南渡舊陪京山勢猶磅礴江流已變更健兒徙幽土新鬼哭臺城一片清溪月偏於客有情

金陵驛

文信國公集

卷十四

指南後錄

十

草舍離宮轉夕暉孤雲飄泊欲何依山河風景原無異城郭人民半已非滿地蘆花和我老舊家燕子傍誰飛從今別却江南路化作啼鵑帶血歸

萬里金甌尖壯圖袞衣顛倒落泥塗空流杜宇聲中血半脫驪龍領下鬚老去秋風吹我惡夢回寒月照人孤千年成敗俱塵土消得人間說丈夫

懷忠襄

平生王佐心世運蹈衰末齊虜誰復封楚囚詎當脫金陵雖懷古尙友在風烈褒忠侈遺廟夫子我先達

早秋

隻影飄零天一涯，千秋搖落欲河之。朝看帶緩方嫌瘦，夜怯衾單始覺衰。眼裏游從驚死別，夢中見女慰生離。六朝無限江山在，搔首斜陽獨立時。

睡起

堂堂孤影起聞雞，風起高樓鼓角悲。江海無情遊子倦，歲年如夢美人遲。平生管鮑成何事，千古夷齊在一時。坐久日斜庭木落，浮雲滅沒漏朝曦。

中秋

文信國公集

卷十四

指南後錄

十一

不教收骨瘴江邊，驅向胡沙着去鞭。舊奪宮袍空獨步，新殮官飯飽孤眠。客情恰與秋天半，心事何如月色圓。猶是江南佳麗地，徘徊把酒看蒼天。

和中齋韻

過古作

功業飄零五丈原，如今局促誰能較。低眉北去明妃淚，啼血南飛望帝魂。骨肉凋殘唯我在，形容變盡只聲存。江流千古英雄恨，蘭棹行舟柳作樊。

再和

見說黃沙接五原，飄零隻影向南轅。江山有恨銷人骨，風雨無

情斷客魂淚似空花千點落  
鬢如碩果數莖存肉飛不起真堪  
歎江水爲籠海作樊

和友人

落落南冠過故都近來我意亦忘吾  
騎來驛馬身如寄遣去家  
書字亦無景伯未囚先立後稽康  
縱死不爲孤江南只有歸來  
夢休問田園蕪不蕪

懷中甫

時中甫以病留金陵天慶觀

久要何落落末路重依依  
風雨連兵幕泥塗滿客衣  
人間龍虎變天外燕鴻違  
死矣煩公傳北方人是非

文信國公集

卷十四

指南後錄

十三

行宮

中齋日

十里宮牆一聚塵天津晚過客愁新  
花啼杜宇歸來血樹掛蒼  
龍脫去鱗福德儻終有晉祚陵未改已無秦  
秋風禾黍空南北見說銅駝會公人

怪底秦淮一水幾多客淚灑斜陽  
江流本是限南北地氣何  
曾滅帝王臺沼漸荒基歷落鶯花  
猶在意淒涼青天畢竟有情  
否舊月東來尖女牆

東海集序

東海集者友人客海南以來詩也  
海南詩而曰東海集者何魯

仲連天下士友人之志也友人自爲舉子時已大肆力於詩於諸大家皆嘗登其門而涉其流其本贍其養銳故所詣特深到余嘗評其詩渾涵有英氣鍛鍊如自然美則美矣猶未免有意於爲詩也自喪亂後友人挈其家避地遊官嶺海而全家燬於盜孤窮流落困頓萬狀然後崖山除禮部侍郎中且權直學士矣會南風不競御舟漂散友人倉卒蹈海者再爲北軍所鉤致遂不獲死以至於今凡十數年間可驚可愕可悲可憤可痛可悶之事友人備嘗無所不至其慘戚感慨之氣結而不伸皆於詩乎發之蓋至是動乎情性自不能不詩杜子美夔州柳子厚柳州以後文字也余與友人年相若又同里閭以斯文相好然平生落落不相及及居楚囚中而友人在行同患難者數月其自五羊至金陵所賦皆予目擊或相唱和時余坐金陵驛無所作為乃取友人諸詩筆之於書與相關者並附爲後之覽者因詩以見吾二人之志其必有感慨於斯已卯七月壬申文天祥

叙

送行中齋三首

秋風晚正烈客衣早知寒把衣不能別更盡此日歡出門一萬里風沙浩漫漫豈無兒女情爲君思汎瀾百年有時盡千載無

文信國公集

卷十四

指南後錄

三

餘觀明君臣義公獨爲其難願持丹一寸寫入青琅玕會有  
撫卷人孤燈起長歎

神龍蕩失水馴擾終未得威鳳雖在藪肯顧雞鶩食所以古之  
人受變心不易毫鼎已遷周西山竟飢瘠豫子身自漆長宏血  
成碧何嘗怨廢興而或二心跡堅白不在緇羔裘良自惜此誼  
公素明俗見或未識

嗟予抱區區疇昔同里開過從三十年知心不知面零落忽重  
逢家亡市朝變惻惻蹈海餘踽踽南冠殿劇談泥塗際握手鞍  
馬倦依依斯文意苦恨十年晚魯連偶不逢隨世本非願靈胥

文信國公集

卷十四

指南後錄

十四

日未挾端欲詣所見及茲萬里別一夕腸百轉余生諒須臾孤  
感橫九縣庶幾大尉事萬一中丞傳

此冊爲指南後錄第一卷下第二卷起八月二十四日發建  
康終歲除有感尙有零丁洋諸詩及後錄本在惠州合隸爲  
一卷而所恨者指南前錄叙號存而詩已不完侍郎弟姑據  
所存本使不泯於世一聯半句使天下見之識其爲人卽吾  
死無憾矣况篇帙之多乎歲在庚辰正月二十日文山履善  
甫書

予後錄詩以廣州至金陵爲第一卷今入淮以後爲第二卷

云

發建康 八月二十四日

賞心亭下路拍手唱吾歌樓外梁時塔城中秦氏河山如夢  
耳天地奈愁何回首清溪出長江一雁過

江行有感 二十五日

蒲萄肥汗馬荆棘冷銅駝巫峽朝雲涇洞庭秋水波窮愁空突  
兀暗淚自滂沱莫恨吾生悞江東才俊多

眞州驛 二十七日

文信國公集

卷十四

指南後錄

五

山川如識我故舊更無人俯仰干戈跡往來車馬塵英雄遺算  
晚天地暗愁新北首燕山路淒涼夜向晨

望揚州

阮籍臨廣武杜甫登吹臺高情發慷慨前人後人哀江左遘陽  
運銅駝化飛灰二十四橋月楚囚今日來

維揚驛

三年別淮水一夕宿揚州南極山川古北風江海秋昭君愁出  
塞王粲怕登樓千載英雄淚如今況楚囚

過邵伯鎮 二十八日

今朝車馬地昔日戰爭場  
我有揚州鶴誰存邵伯棠  
一灣流水小數畝故城荒  
回首江南路青山斷夕陽

高郵懷舊 二十九日

借問曾遊處高沙第幾山  
潛行鷹攫道直上虎當關  
一命虛空裏三年瞬息間  
自憐今死晚何復望生還

發高郵 三十日

初出高沙門輕舫遶城樓  
一水何曲折百年此綢繆  
北望渺無際飛鳥翔平疇  
寒蕪入荒落日薄行人愁  
行行湖曲萬頃涵清秋  
大風吹檣倒如盪彭蠡  
舟欲寄故鄉淚使入長江流  
篙人

文信國公集

卷十四

指南後錄

六

爲我言此水通淮頭前與黃河合同作滄海  
漚躡忽失意拭淚淚不收  
吳會日已遠回首重悠悠  
馳驅梁趙郊壯士何誰憂  
吾道久矣東陸沉古神州  
我今戴南冠何異有北投  
不能裂肝膈直氣摩斗牛  
但願光岳合休明復商周  
不使殊方魄終爲異物羞

寶應道中

天濶搏南雁淮途長

甘棠成傳舍細柳作康衢  
田海隨時

變山河往日殊征袍

繡夜壁一燈孤

淮安軍 九月一日

楚州城門外白楊吹悲風  
繫死人塚死向銛鏑中  
豈無匹婦寃定無萬夫  
雄中原在其北登城望何窮

過淮河宿關石有感

北征垂半年依依只南土

淮河始覺非故宇江鄉已無

家三年一羈旅龍翔在何方

妻子所昔也無奈何忽已置

念慮今行日已近使我淚如雨

爲綱常謀有身不得顧妻兮

莫望夫子兮莫望父天長與地

此恨極千古來生業緣在骨

肉當如故

發淮安 九月二日

文信國公集 卷十四

指南後錄

七

九月初二日車馬發淮安行行重行行天地何不寬煙火無一

家荒草青漫漫恍如泛滄海身坐玻璃盤時時逢北人什伍扶

征鞍云我戍江南當軍身屬官北人適吳楚所憂地少寒江南

有遊子風雪上燕山

小清口 初三日

乍見驚胡婦相嗟遇楚兵北來鴻雁密南去駱駝輕芳草中原

路斜陽故國情明朝五十里錯做武陵行

桃源道中 初四日

漠漠地千里垂垂天四圍隔溪胡騎過傍草野雞飛風吹青

笠塵沙薄素衣吾家白雲下  
都人歸

桃源縣

清野百年久中原千里  
落山水舊生涯種麥十數

畝誅茅千百家我來行正倦  
桃花

崔鎮驛

萬里中原役北風天正涼黃  
君耳滿衣裳野濶人聲

小日斜駒影長解鞍身似夢  
遊子意茫茫

發崔鎮 初五日

高雁空秋興寒蟹破曉眠淡煙白似海野水碧於天興廢嗟何

文信國公集 卷十四 指南後錄 七

及行藏信自然南人乍騎馬北客半乘船

發宿遷縣

夜夢入星槎曉行隨斗柄衣暖露自乾鬢寒冰欲凝將軍戴鐵

笠壯士敲金鐙白眼睨青天  
此生不有命

中原 初八日

中原方萬里明日是重陽桑  
人家近蓬蒿客路長引弓虛射

雁失馬爲尋羊見說今年旱青青麥又秋

望邳州 初六日

中原行幾日今日纔見山問山在何處云在徐邳間邳州山徐

州水頂籍不還韓信死龍爭虎鬪不肯止煙草漫漫青萬里古  
來劉季號英雄樊崇至今已十歲

徐州道中

初七日

彭城古官道日中十馬馳咫尺不見人撲面黃塵飛向來漢王  
縞素師美人燕罷項羽啼一時濕戰四十萬天昏地黑睢水湄  
乃知大風揚沙失白晝自是地利非天時漢王倉皇間道西一  
見一女嘻其危太公呂后去不歸俎上甯有生還時未央稱壽  
太上皇巍然女媧帝中闈終然富貴自有命造物顛倒真小兒

彭城行

徐州彭城縣

文信國公集

卷十四

指南 後錄

九

連山四圍合呂梁貫其中河南大都會故有項王宮晉牧連揚  
豫虎視北方雄唐時燕子樓風流最建封西望睢陽城只與汴  
水通大平黃樓賦尙能想遺風邇來百餘年正朔歸江東遺民  
死欲盡莽然狐兔叢我從南方來停驂撫遺蹤故河蓄潢潦荒  
城易秋蓬淒涼戲馬臺憔悴巨佛峯滄海變桑田陵谷代不同  
朝爲朱門貴暮作行旅窮乘除信物理感慨繫所逢古來賢達  
人一醉萬慮空如此獨醒何

燕子樓

自別張公子嬋娟不下

五上燕百歲何風流我遊彭城

楚王開樓在何處  
足論因何張家妾名與山川  
美人心不說美人色  
眉代不之埋沒安  
忠義長存沒但倚

戲馬臺

九月初九日客遊戲馬臺  
露古六化飛埃今人哀後

人後人復今哀世事那可及

發彭城

今朝正重九行人意遲遲回  
空野花發穠蕪草埋范增

塚雲見樊噲煥時節正如此  
道路將何之我愛陶淵明甲子題

文信國公集卷十四

指南後錄

新詩古本送酒來把菊卧東

沛歌山東藤山沛縣初

秦世失其鹿豐沛發龍顏王  
將相不出徐濟間當時數公

起四海王氣閑至今尚想見  
光照人寰我來千載下弔古淚

如漕白雲落荒草隱隱芒碭  
出黃河天下雄南去不復還乃知

盈虛故天道如循環盧王舊  
封地今日役函關

歌風臺

長陵有神氣萬歲光如虹有時風雪變魂魄來沛宮壯哉游子

一覽萬宇空擊筑戒復暉帝業慎所終重瞳愛梁父此情豈

不同錦衣約行畫丈夫  
霸心存慷慨勇功不見往來事  
樂三代隆匹夫事已往  
永言三侯章  
惻目送南飛鴻

固陵道中三首

九天雲下垂一雨  
城狐兔卧荆棘見  
身來中州乍驚息

茅舍荒涼舊固陵

城對楚王城  
州煙火連豐沛天下還

文信國公集卷十四

指南後錄

三

來屋角爭

固陵城下雨龍爭不見  
齊王來會兵勒取河山新分地項王之

後到韓彭

發魚臺十二日

晨炊發魚臺碎雨飛擊  
面開四野周冥冥萬象變疑是江南

一潭霧昏不見豈知此  
中原今古經百戰英雄化為土飛霧灑

刻何天寒日欲短游了  
淚如霰

自歎

瑟瑟秋風悲烈烈寒氣  
蕭蕭柳先已零松栢何後  
湖天意重蕭

殺造物無不銷強弱有異稟憂患同一朝惟有南山石千載一  
岩堯人苦不自足空羨王子喬

遠遊

黃河流活活太行高巍巍十二山以東百二山以西鄒魯盛文  
獻燕趙多雄姿右摩泰山碑左黔函谷泥滌鄒弔周公曲阜非  
宣尼或登廣武歎或上北邙悲平生幾兩屐汗漫以爲期絕交  
天下士要爲男子奇吳會偏王業中原隔遺黎安得與黃鶴比  
翼天上飛江河異風景擊楫感且歛陽運邁百六興否俄推移  
桑田變滄海楚囚發孔悲我本檻車客爲我解繫維青蠅附天

文信國公集

卷十四

指南後錄

三

驥萬里相追隨人生尙行樂矧復新知周道思下泉王風懷  
黍離富貴豈不願憂患那自持人命危且淺忽若朝露晞長恐  
折我軸中道欲差池去我父母邦我行且遲遲聽我遠遊曲寄  
我長相思

六歌

有妻有妻出糟糠自少結髮不下堂亂離中道逢虎狼鳳飛翩  
翩失其凰將雛一二去何力豈料國破家亦亡不忍舍君羅襦  
裳天長地久終茫茫牛女夜夜遙相望嗚呼一歌兮歌正長悲  
風北來起徬徨

有妹有妹家流離良人去後攜諸兒北風吹沙塞草淒窮猿慘  
淡穹安歸去年哭母南海涓三男一女同獻歆惟汝不在割我  
肌汝家零落母不知母知豈有瞑目時嗚呼再歌兮歌孔悲鶴  
鵠在原我何爲

有女有女婉清揚大者學帖臨鍾王小者讀字聲琅琅朔風吹  
衣白日黃一雙白璧委道傍雁兒啄啄秋無梁隨母北首無人  
將嗚呼三歌兮歌愈傷非爲兒女淚淋浪

有子有子風骨殊釋氏抱送徐卿雛四月八日摩尼珠榴花犀  
錢絡繹襦蘭湯百沸香似酥歎說飛電飄泥塗汝兄十三騎鯨

文信國公集卷十四

指南後錄

三

魚汝今知在三歲無嗚呼四歌兮歌以吁燈前老我明月孤

有妾有妾今何如大者手將玉蟾蜍次者親抱汗血駒晨粧靚  
服臨西湖英英雁落飄瑤墀風花飛墜鳥嗚呼金莖沉漑浮汗  
渠天摧地裂龍鳳姝美人塵土何代無嗚呼五歌兮歌鬱紆爲  
爾遡風立斯須

我生我生何不辰孤嫗不識桃李春天寒日短重愁人北風隨  
我鐵馬塵初憐骨肉鮮奇禍而今骨肉相憐我汝在北兮攫我  
懷我死誰當取我骸人生百年何醜好黃梁得喪俱草草嗚呼  
六歌兮勿復道出門一笑天地老

發潭口

吹面北風來拂鬢堅冰至軒冕委道途衮繡易毳百年雜醜  
好始酬四方志浩歌激浮雲亭亭復攬轡義馭幾曾停誰當掃  
幽巖

新濟州

借問新濟州徐邗兄弟國昔爲大河南今爲大河北垂雲陰萬  
里平原望不極百草盡枯死黃花自秋色時時見桑樹青青雜  
阡陌路上無人行煙火渺蕭瑟車轍分縱橫過者臨歧泣積潦  
流交衢霜蹄破叢棘江南寒未深銅爐獸花亦誰知行路人鐵

文信國公集

卷十四

指南後錄

五

冷衣裳溼

汶陽道中

東平路汶陽縣十四日

積雨不肯霽行陸如涉川青種纈我後白氈覆我前我欲正衣  
冠兩手如糾纏飛沫流被面代我泣涕漣鴻雁紛南翔遊子北  
入燕平楚渺四極雪風迷遠天昔聞濟上軍又說汶陽田我今  
履其地弔占愴蒼煙兒欲了事長虹射寒泉

汶陽館

去歲館船陳今朝館汶陽汾空沙漠漠河廣草茫茫家國哀千  
古男兒慨四方老槐孤雨暗孤影照淋浪

渺渺中原道勞生歎百非風雨吹打人泥海飛上衣目力去天  
短心事與時違夫子昔相魯侵疆自齊歸

來平館

憔悴江南客蕭條古鄆州雨聲連五日月色做中流萬里山河  
夢千年宇宙愁欲鞭劉豫骨煙草暗荒邱

發鄆州喜晴

烈風西北來萬竅號高秋宿雲蔽層空浮潦迷中州行人苦沮  
洳道阻路且修流澌被鞍韉飛沫綴衣裘昏鴉接翅落原野慘

文信國公集卷十四

指南後錄

姜

以愁城郭何蕭條閉戶寒飈颺中宵月色滿餘光散袞裯余子  
飛明發飛霧霽郊邱微見扶桑紅隱隱如沈浮身遊大荒野海  
氣吹唇樓須臾劃當空六合開沈幽千年厭顏色蒼翠光欲流  
大陽經天行大化不暫留輝光何曾滅掩霽終當收嚴霜下豐  
草長歌夜悠悠明日東阿道方軌驟驩驩

發東阿十七日

東原深處所時或見人煙秋雨桑麻地春風桃李天貪程頻問  
堠快馬緩加鞭多少飛橋過曉呀是北船

宿高唐州博州

早發東阿縣暮宿高唐州哲人遠幾微志士懷隱憂山河已歷  
歷天地空悠悠孤館一夜宿北風吹白頭

平原 十八日

平原太守顏真卿長安天子不知名一朝漁陽動鼙鼓大河以  
北無堅城公家兄弟奮戈起一十七郡連夏盟賊聞失色分軍  
還不敢長驅入咸京明皇父子得西狩由是靈武起義兵唐家  
再造李郭力若論牽制公威靈哀哉常山慘鉤舌公歸朝廷氣  
不懾崎嶇坎坷不得志出入四朝老忠節當年幸脫安祿山白  
首竟陷李希烈希烈安能遽殺公宰相盧杞欺日月亂臣賊子

文信國公集

卷十四

指南後錄

五

歸何處茫茫煙草中原土公死於今六百年忠精赫赫雷行天

發陵州

中原似滄海萬頃與雲連大明朝東出皎月正在天遠樹亂如  
點桑麻鬱蒼煙一雁入高空千鴉落平田我行天地中如蟻磨  
上旋雨痕留故衣霜氣襲重氈健馬嘶北風潛魚樂深淵噫哉  
南方人回首空自憐

獻州道中

三年戎服行五嶺文玉曾躋攀上崖磴厲揭涉瀟瀨十步九崎  
嶇山水何破碎坐令管仲小自覺伯夷隘乃今來中州萬里如

一概四望登原隰桑  
麻蔚旆旆驂騶出清  
廟過都真歷塊歷歷  
古戰場俯仰生感慨  
吾常涉重湖東海際  
南海茲遊冠平生天  
宇更宏大心與太虛  
際目空九圍內男兒  
不出居婦人坐帷蓋  
反身以自觀須彌納  
一芥以此處死生超  
然萬形外

滹沱河二首

過了長江與大河橫  
流數似絕滹沱蕭王  
麥飯會倉卒回首中  
原感慨多

風沙睢水終亡楚草  
木公山竟蹙秦始信  
滹沱冰合事世間興  
廢不由人

文信國公集

卷十四

指南後錄

毛

河間

夜宿河間恰家則翁寓焉因成三絕

空有丹心貫碧霄泮  
冰亡國不崇朝小臣  
萬死無遺慨會見天  
家十八朝

南歸雁蕩報郎君老  
子精神健十分不爲  
瀛洲復相見阿戎翻  
隔萬山雲

江南車蓋走燕山老  
子旁觀袖手閒見說  
新詩題甲子桃源原  
只在人間

昨日渡滹沱今日望太行白雲何渺渺天地句茫茫落葉混西  
風黃塵昏夕陽牛車過不住鹽屋行相望小兒騎塞驢壯士駕  
乘黃高低桑萬頃黑百草千行村落有古風人問無時糗米遂  
舊分界燕趙古戰場蚩尤亂涿野共工謫幽邗郭隗致樂縵荆  
軻攜舞陽臧盧互反覆安史迭披猖山川一今古人物幾興亡  
江南佔畢生往來習羊腸天馬戴青蠅電秣馳康莊適從何方  
來如此醉夢鄉感時意踟躕惜往淚淋漓厲階起玉環左計由  
石郎天地行日月萬代乘景光晝夜果可廢春秋誠荒唐吾生  
直須臾俯仰際八荒來者不可見遠遊賦彷徨

文信國公集

卷十四

指南後錄

五

保涿州三詩

趙太祖墓

在保州二十九日起三十日到

我行保州塞御河直其東山川猶有靈佳氣何鬱蔥願我巾車  
囚厲氣轉秋蓬瓣香欲往拜惆悵臨長空

樓桑

故宅近涿縣三十里

我過梁門城樓桑在其北元德已千年青煙遶故宅道傍爲揮  
淚徘徊秋風客天下卧龍人多少空抱膝

涿鹿

我瞻涿鹿野古來戰蚩尤  
此立極玉帛朝諸侯歷歷關河

雁隨風鳴寒秋邇來三千年王氣行隴

過梁門

一一金甌在雙雙鎮壁全土花開舊國風絮渡江船南北分新  
統江淮號極邊更和天塹失回首慘啼鵑

白溝河

昔時張叔夜統兵赴勤王東都一不守羸馬遷龍荒適過白溝  
河裂毗鬚欲張絕粒不遑死仰天扼其吭羣臣總奄奄一土垂  
天光讀史識其地撫卷爲淒涼我生何不辰異世忽相望皇圖  
遭陽九天塹瀾飛蝗引兵詣闕下捧土障瀾狂出使義不屈持

文信國公集

卷十四

指南後錄

无

節還中郎六飛駐南海金鉞將煌煌武侯空威心出狩驚四方  
吾屬竟爲虜世事吁彼蒼思公有奇節一死何慨慷江淮我分  
地我欲投滄浪滄浪却不受中原行路長初登項籍宮次覽劉  
季邦涉足河與濟回首嵩與恒下車撫梁門上馬指樓桑戴星  
渡一水慘淡天微茫行人爲我言宋遼此分疆懸知公死處爲  
公出涕滂恨不持束芻徘徊官道傍我死還在燕烈烈同肝腸  
今我爲公哀後來誰我傷天地垂日月斯人未云亡文武道不  
墜我輩終堂堂

懷孔明

斜谷事不濟將星隕營中至今出師表讀之淚沾襟  
義赤心貫蒼穹世以成敗論操懿真英雄

劉琨

中原蕩分崩壯哉劉越石連踪起幽并隻手扶晉室福華天意  
乖匹磻生鬼蜮公死百世名天下分南北

祖逖

平生祖豫州白首起大事東門長嘯見爲遜一頭地何哉戴若  
思中道奮螳臂豪傑事垂成今古爲短氣

顏杲卿

文信國公集

卷十四

指南後錄

三

常山義旗奮范陽哽喉咽胡雛一狼狽六飛入西川哥舒降且  
拜公舌膏戈鋌人世誰不死公死千萬年

許遠

起師哭玄元義氣震天地百戰奮雄姿  
流雙廟垂百世當時令狐潮乃爲賊遊說

過雪橋琉璃橋

小橋度雪度琉璃更有清霜滑馬蹄遊子衣裳如鐵冷殘星荒

店野雞啼

一作亂鳴雞

已卯十月一日至燕越五日糴狴犴有感而賦一十七首

直絃不似曲如鉤自古聖賢多被囚  
命有死時名不死身無憂  
處道還憂可憐枉宇空流血  
惟願巖顏便斫頭結束長編猶在  
此竈間婢子見人羞

落落南冠自結綬  
桁楊臥起影縱橫  
坐移白石知何世  
夢斷青燈問幾更  
國破家亡雙淚暗  
天荒地老一身輕  
黃梁得失俱成幻  
五十年前原不生

三

文信國公集

卷十四

指南後錄

三

心期耿耿浮雲上  
身事悠悠落日西  
千古興亡何限錯  
百年生死本來齊  
沙邊莫待哀黃鶴  
雪裏何須問牧羝  
此處曾經埋雙寶  
劍虹光夜指楚天低

四

寥陽殿上步黃金  
一落顛崖地獄深  
蘇武窖中偏喜卧  
劉琨囚裏不妨吟  
生前已見夜叉面  
死去只因菩薩心  
萬里風沙知已盡  
誰人會得廣陵音

五

亦知夏夏楚囚難  
無奈天生一寸丹  
鐵馬行塵南地熱  
諸文坐

擁北庭寒朝殞淡薄神還爽夜睡崎嶇夢自安亡國大夫誰爲  
傳祇饒野史與人看

六

風雪重門老楚囚夢回長夜意悠悠熊魚自古無雙得鵲雀如  
何可共謀萬里山河真墮甌一家妻子枉填溝見時愛讀忠臣  
傳不謂身當百六秋

七

聽着啼鵑淚滿襟國亡家破見忠臣關河懸落三生夢風雪飄  
零萬死身丞相豈能堪獄吏故侯安得作園人黃農虞夏吾誰

文信國公集卷十四

指南後錄

三

適回首西山繼絕塵

八

風前泣燈影日下泣霜花鐘信忽然動屋陰俄又斜悶中聊度  
威夢裏尙還家地獄何須問人間見夜叉

九

風霜陰忽忽天地澹悠悠我自操吳語誰來問楚囚寂中惟滅  
想達處盡忠憂手有韋編在朝聞夕死休

環堵塵如屋蠹然故吾解衣烘襦虱心錄救殘影坐處心如

忘吟餘眼已枯不應留滯久何日裏籟

吳殺諸葛瑾以籟籟裏而棄之

十一

浩劫風塵暗衣冠痛百罹靜傳方外學晴寫獄中詩烈士惟名  
殉真人與物違世間忙會錯認取去來時

十二

儼然楚君子一日造玉庭議論操堅白精神入汗青無書求出  
獄有舌到臨刑宋故忠臣墓真吾五字銘

十三

兩月疊囚裏一年憂患餘疏因隨事直忠故有時愚道在身何

文信國公集

卷十四

指南後錄

三

拙心安體自舒近來都勘破人世只遽廬

十四

衰衣坐縲紲世事亦堪哀枕畔親炊黍爐邊細畫灰無人淚垂  
血何地骨生苔風雪江南路夢中行探梅

十五

我自憐人醜人方笑我愚身生豫讓癩背發范增疽已愧功臣  
傳猶堪烈士書衣冠事至此命也欲何如

十六

久矣忘榮辱今茲一死生理明心自裕神定氣還清欲了男兒

事幾無妻子情出門天宇淵一笑暮雲橫

十七

瑛壁衣冠十六傳更無一士死君前自慚重趙非九鼎猶幸延  
韓更數年孟博囊頭眞自愛臬卿鉤舌要誰憐人間信有綱常  
在萬古西山皎月懸

和夷齊西山歌

歌曰登彼西山兮采其薇矣以仁易暴兮不知其非矣黃農  
虞夏忽然沒兮我安適歸矣吁嗟徂兮命之衰矣後二千餘  
年某適倚歌而和之曰

文信國公集

卷十四

拾南後錄

三

小雅盡廢兮出車采薇矣戎有中國兮人類胥非矣明王不興  
兮吾誰與歸矣抱春秋以沒世兮甚矣吾衰矣

又從而歌之曰

彼美人兮西山之薇矣北方之人兮爲吾是非矣異域長絕兮  
不復歸矣鳳不至兮德之衰矣

十二月二十日作

家國哀千古星霜忽一周黃沙漫故道白骨委荒邱許遠死何  
晚李陵生自羞南來冠不改吾且任吾囚

二十四日

俗云小年夜

壯心負光岳病質落幽燕春節前三日江鄉正小年歲時如逝  
水風俗不同天家廟荒苔滑誰人燒紙錢

立春 巳卯十二月二十六日

無限斜陽故國愁朔風吹馬上幽州天翻地覆三生劫歲晚江  
空萬里囚烈士要元端不惜達人知命復何憂祇應四十三年  
死兩度無端見土牛

遇靈陽子談道贈以詩

昔我愛泉石長揖離公卿結屋青山下咫尺蓬與瀛至人不可  
見世塵忽相攪業風吹浩劫蝸角爭浮名偶逢大呂翁如有宿

文信國公集

卷十四

拾南後錄

五

世盟相從語寥廓俯仰萬念輕天地不知老日月交其精人亦  
陰陽性亦來自長生指點虛無間引我歸圓明一針透頂門道  
骨由天成我如一逆旅久欲躡屩行聞師此妙訣蘧廬復何情  
歲屠維單闕月赤奮若日闕逢涖灘遇異人指示以大  
光明正法於是死生脫然若遺矣作五言八句

誰知眞患難忽悟大光明日出雲俱靜風消水自平功名幾滅  
性忠孝大勞生天下惟豪傑神仙立地成

巳卯歲除有感

歲除破衣裳夜半刺針線遊子長夜思佳人不可見草枯稚驢

吼燈暗饑鼠現深室閉星斗輕裘卧風霰大化忽流幹浩劫蕩  
回轉冠屨失其位侯王化畸賤弓戈叱奇字刀鏑摧頽弁至性  
詎可遷微軀不足戀真人坐冲漠死生一乘傳日月行萬古神  
光索九縣

右自己卯十月一日至歲除所賦當時望旦夕死不自意蹉  
跎至今詩凡二十餘首明日爲上章執徐歲不知又當賦若  
干首而後絕筆云己卯除日某題

指南後錄卷之三

予指南後錄第一卷起正月十二日賦零丁洋第二卷起八

文信國公集

卷十四

指南後錄

三

月二十四日發建康令第三卷蓋自庚辰元日爲始文山履

善甫序

元日 庚辰歲

鐵馬風塵暗金龍日月新衣冠懷故國鼓角泣離人自分流年  
晚不妨吾道春方來有千載兒女枉悲辛

庚辰四十五歲

東風昨夜忽相過天地無情奈老何千載方來那有盡百年未  
半已爲多君傳南海長生藥我愛西山餓死歌泡影生來隨自  
在悠悠不管世間魔

感傷

家國傷冰泮妻孥歎陸沈半生遭萬劫一落下千尋各任兒曹  
命那知吾輩心人誰無骨肉恨與海俱深

五月二日生朝

北風吹滿楚冠塵笑捧蟠桃夢裏春幾歲已無籠鶴客去年猶  
有送羊人江山如許非吾土宇宙奈何多此身不滅不生是何  
許靜中聊且養吾真

胡笳曲

庚辰中秋日水雲慰予囚所援琴作胡笳十八拍取予疾徐

文信國集

卷十四

指南後錄

七

指法良可觀也琴罷索予賦胡笳詩而倉卒中未能成就水  
雲別去是歲十月復來予因集老杜句成拍與水雲共商畧  
之蓋囹圄中不能得死聊自遣耳亦不必一一學琰語也水  
雲索予書之欲藏於家故書以遺之浮休道人文山

風塵瀕洞昏王室天地慘慘無顏色而今西北自反胡西望千  
山萬山赤歎息人間萬事非被驅不異犬與雞不知明月爲誰  
好來歲如今歸未歸

右一拍

獨立縹緲之飛樓高視乾坤又可愁江風蕭蕭雲拂地笛聲憤

怒哀中流鄰雞野哭如昨日  
日晚暗今日黑倉皇已就長途  
往欲往城南望城北

右二拍

三年奔走空皮骨三年箇裏關山月中天月色好誰看豺狼塞  
路人煙絕寒刮肌膚北風利午馬毛零縮如蝟塞上風雲接地  
陰咫尺但愁雷雨至

右三拍

黃河北岸海西軍翻身向天仰射雲胡馬長鳴不知數衣冠南  
渡多崩奔山木慘慘天欲雨前有毒蛇後猛虎欲問長安無使

文信國公集

卷十四

指南後錄

三

來終日戚戚忍羈旅

右四拍

北庭數有關中使飄飄遠自流沙至胡人高鼻動成羣仍唱胡  
歌飲都市中原無書歸不得道路只今多壅隔身欲奮飛病在  
牀時獨看雲淚沾臆

右五拍

胡人歸來血滿箭白馬將軍若雷電蠻夷雜種錯相干洛陽宮  
殿燒焚盡干戈兵革鬪未已魍魅魍魎徒爲爾慟哭秋原何處  
村千村萬落生荆杞

右六拍

憶昔十五心尙孩，莫怪頻頻勸酒盃。  
孤城此日腸堪斷，如何不飲令人衰。  
一去紫臺連朔漠，月出雲連雪山白。  
九度附書歸洛陽，故國三年一消息。

右七拍

只今年纔十六七，風塵荏苒音書絕。  
胡騎長驅五六年，敝裘何啻連百結。  
愁對寒雲雪滿山，愁看冀北是長安。  
此身未知歸定處，漂泊西南天地間。

右八拍

文信國公集

卷十四

指南

後錄

五

五夜漏聲催曉箭，寒盡春生洛陽殿。  
漢主山河錦繡中，可惜春光不相見。  
自胡之反持干戈，一生抱恨空咨嗟。  
我已無家尋弟妹，此身那得更無家。  
南極一星朝北斗，每依南斗望京華。

右九拍

今年臘月凍全消，天涯涕淚一身遙。  
諸將亦自軍中至，行人弓箭各在腰。  
白馬嚼齧黃金勒，三尺角弓兩斛力。  
胡雁超涇高飛難，一箭正墜雙飛翼。

右十拍

冬至陽生春又來，口雖吟咏心中哀。  
長笛誰能亂愁思，呼兒且

覆掌中杯雲白山青萬餘里壁立石城橫塞起元戎小隊出郊  
垌天寒日暮山谷裏

右十一拍

洛陽一別四千里邊庭流血成海水白經喪亂少睡眠手脚凍  
皸皮肉死反鎖衡門守環堵稚子無憂走風雨此時與子空歸  
來喜得與子長夜語

右十二拍

大兒九齡色清徹驪駒作駒已汗血小兒五歲氣食牛冰壺玉  
鑑懸清秋罷琴惆悵月照席人生有情淚沾臆離別不堪無限

文信國公集

卷十四

指南後錄

早

意更爲後會知何地酒肉如山又一時只今未絕已先悲

右十三拍

北歸秦川多鼓鼙禾生隴畝無東西三步回頭五步坐誰家搗  
練風淒淒已近苦寒月慘慘中腸悲自恐二男兒不得相追隨  
去留俱失意徘徊感生離十年蹴踘將雛遠目極傷神誰爲攜  
此別還須各努力無使霜露沾人衣

右十四拍

寒雨颯颯枯樹溼坐臥只多少行立青春欲暮急還鄉非關使  
者徵求急欲別上馬自無力去住彼此無消息關塞蕭條行路

難行路難行澁如棘男兒性命絕可憐十日不一見顏色

右十五拍

乃知貧賤別更苦况我飄轉無定所心懷百憂復千慮世人那  
得知其故嬌兒不離膝哀哉兩決絕也復可憐人里巷盡嗚咽  
斷腸分手各風煙中間消息兩茫然自斷此生休問天看射猛  
虎終殘年

右十六拍

江頭宮殿鎖千門千家今有百家存面粧首飾雜啼痕教我歎  
恨傷精魂自有兩兒郎忽在天一方胡塵暗天道路長安得送

文信國公集卷十四

指南後錄

聖

我置汝傍

右十七拍

事殊興極憂思集足繭荒山轉愁疾漢家山東一百州青是烽  
煙白人骨入門依舊四壁空一斛舊水藏蛟龍年過半百不稱  
意此曲哀怨何時終

右十八拍

上已

予自丙子上巳日真州屏之城門外於今憂患逼六年俯仰

詩節爲之慨然

昔自長淮樹去帆今從燕鷺眺東南泥沙一佈九分九風雨六年三月三地下故人那可作天涯遊子竟何堪便從餓死傷遲暮面對西山已發慚

寒食

予不登邱隴拜清明寒食八年矣癸西湖南甲戌乙亥章貢  
丙子淮東丁丑梅州戊寅麗江浦庚辰燕山獄中今辛巳猶未得死和上已韻寫懷

苦海周遭斷去帆東風吹淚向天南龍蛇澤裏清明五燕雀籠

中寒食三撲面風沙驚我在滿襟霜露痛誰堪何當歸骨先人

文信國公集

卷十四

指南後錄

望

墓千古不為邱首慚

覽鏡見鬚髯消落為之流涕

萬里飄零等一毫當前風景恨滔滔淚如杜宇喉中血鬚似蘇  
郎節上旄今日形骸遲一死向來事業竟徒勞青山是我安魂  
處清夢時時賦大刀

讀赤壁賦前後二首

昔年仙子謫黃州赤壁磯頭汗漫遊今古興亡真過影乾坤俯

仰一虛舟人間憂患何會少天上風流更有不我亦洞簫吹一

曲不知身世蜉蝣

一笑滄波浩浩流，隻雞斗酒更扁舟。  
入龍寫作詩中案，孤鶴來爲夢裏遊。  
楊柳遠煙連北府，蘆花新月對南樓。  
玉仙來往清風夜，還識江山似舊不。

自歎

門揜牢愁白日過，不應老子坐婆娑。  
雖生得似無生好，欲死其如不死何。  
王蠋高風真可挹，魯連大節豈容磨。  
東流不盡銅駝恨，四海悠悠總一波。

端午初度二首

死所初何怨，生朝只自知。  
頗懷常棣意，忍誦蓼莪詩。  
浮世百年

文信國公集卷十四

指南後錄

十一

夢高人千載期，楚囚一杯水。  
勝似九霞卮。

向來松下鶴，今日傍誰門。  
夢見瑤池沸，愁看玉壘昏。  
所思多死所，焉用獨生存。  
可惜萸蒲老，風煙滿故園。

端午卽事

五月五日午，贈我一枝艾。  
故人不可見，新知萬里外。  
丹心照夙昔，鬢髮日已改。  
我欲從靈均，三湘隔遼海。

自述二首

當年嚼血灑銅駝，風景悠悠奈若何。  
漢賊已成千古恨，楚囚不覺二年過。  
古今咸道天驕子，老去忽如春夢婆。  
試把睢陽雙廟

看只今事業愧蹉跎

江南啼血送殘春  
漂泊風沙萬里身  
漢末固應多死士  
周餘乃止一遺民  
乍看鬚少疑非我  
只要心存尙是人  
坐擁牢愁書眼倦  
土床伸脚任吾真

五月十七夜大雨歌

去年五月望流水滿一房  
今年後三夕大雨復沒床  
我辭江海來中原路茫茫  
舟楫不復見車馬  
馳康莊矧居園土中得水猶得漿  
忽如巨石浸倉卒  
殊徬徨明星尙未啟  
大風方發狂叫呼  
人不磨宛轉水中央  
壁下有水穴羣鼠走踉蹌  
或如魚潑刺墊

文信國公集

卷十四

指南後錄

四

溺無所藏周身莫如物  
患至不得防業爲世間人  
何處逃禍殃  
朝來闢溝道宛如決  
陂塘盡室泥濘塗化爲糜爛場  
炎蒸迫其上臭腐薰其傍  
惡氣所侵薄疫癘何可當  
楚囚欲何之寢食此一方  
南還無復望坐待仆且僵  
乾坤莽空濶何爲此涼涼  
達人識義命此事關綱常  
萬物方焦枯皇皇禱穹蒼  
上帝實好生夜半下龍章  
但願天下人家家足稻粱  
我命渾小事我死庸何傷

先太師忌日

二月二十八日

萬里先人忌呼號痛不天  
遺孤餘二紀曠祀忽三年  
永恨邱園隔遙憐弟妹  
圓義方如昨日地下想欣然

築房子歌

自予居狴犴一室以自治二年二大雨地汙實成池圉人爲我  
慟畚土以築之築之可二尺宛然水中坻初運朽壤來臭穢恨  
莫追掩鼻不可近牛皁雞于塙須臾傳黑墳千杵鳴參差但見  
如坻平糞土不復疑乃知天下事不在論鏹基苟可掩耳目臭  
腐誇神奇世人所不辨羊質而虎皮大者莫不然小者又何知  
深居守我玄默觀道推移何時蟬蛻去忽與濁世違

有感

已矣勿復道安之如自然閑陪黃嬾坐倦退白衣眠一死知何

文信國公集

卷十四

指南後錄

四

地此生休問天怪哉茨野客宿果墮幽燕

正氣歌

予囚北庭坐一土室室廣八尺深可四尋單扉低小白間短  
窄汗下而幽暗當此夏日諸氣萃然雨潦四集浮動床几時  
則爲水氣塗泥半朝蒸漚歷瀾時則爲土氣乍晴暴熱風道  
四塞時則爲日氣簷陰薪爨助長炎虐時則爲火氣倉腐寄  
頓陳陳逼人時則爲米氣駢肩雜遝腥臊汗垢時則爲人氣  
或圃溷或毀屍或腐鼠惡氣雜出時則爲穢氣壘是數氣當  
之者鮮不爲厲而予以孱弱俯仰其間於茲二年矣幸而無

慈是殆有養致然爾亦安知所養何哉孟子曰吾善養吾  
浩然之氣彼氣有七吾氣有一以一敵七吾何患焉况浩然  
者乃天地之正氣也作正氣歌一首

天地有正氣雜然賦流形下則爲河嶽上則爲日星於人曰浩  
然沛乎塞蒼冥皇路當清夷含和吐明庭時窮節乃見一一垂  
丹青在齊太史簡在晉董狐筆在秦張良椎在漢蘇武節爲嚴  
將軍頭爲嵇侍中血爲張睢陽齒爲顏常山舌或爲遼東帽清  
操厲冰雪或爲出師表鬼神泣壯烈或爲渡江楫慷慨吞胡羯  
或爲擊賊笏逆豎頭破裂是氣所磅礴凜烈萬古存當其貫日

文信國公集

卷十四

指南後錄

吳

月生死安足論地維賴以立天柱賴以尊三綱實繫命道義爲  
之根嗟予遘陽九隸也實不力楚囚纓其冠傳車送窮北鼎鑊  
甘如飴求之不可得陰房闐鬼火春院闕天黑牛驥同一皁雞  
棲鳳凰食一朝蒙霧露分作溝中瘠如此再寒暑百沴自辟易  
嗟哉沮洳場爲我安樂國豈有他繆巧陰陽不能賊顧此耿耿  
在仰視浮雲白悠悠我心悲蒼天曷有極哲人日已遠典型在  
夙昔風簷展書讀古道照顏色

七月二日大雨歌

燕山五六月氣候苦不常積陰綿五旬畏景淡無光天漏比西

極地溼等南方今何苦常雨昔何苦常暘七月二日夜天工爲  
誰忙浮雲黑如墨飄風怒如狂滂沱至夜半天地爲低昂勢如  
蛟龍出平陸俄懷襄初疑倒巫峽又似翻瀟湘千門各已閉仰  
視天茫茫但聞屋側聲人力無支當嗟哉此園土占勝非高岡  
赭衣無容足南房並北房北房水二尺聚立唯東廂桎梏猶自  
可凜然覆穹牆嘈嘈復雜雜蒸汗流成漿張目以待且沈沈漏  
何長南冠者爲誰獨居沮洳場此夕水瀾漫浮動八尺床壁老  
如欲壓守者殊皇皇我方鼯鼻睡逍遙帝鄉百年一大夢所  
歷皆黃梁死生已勘破身世如遺忘雄雞叫東白漸聞語聲揚

文信國公集

卷十四

指南後錄

星

論言苦飄蕩形勢猶倉皇起來立泥塗一笑褰衣裳遺書宛在  
架吾道終未亡

詠懷

陰陽相烹煎天地一釜鬻人生居其間便同肉在砧熱猶以火  
燎溼猶以湯燻一歲一煨煉老形忽駸駸吾生四十六弱質本  
不任矧當五六年患難常侵尋子卿羝羊節少陵杜鵑心酷罰  
毒我膚深憂煩我襟嗟嗟夏涉秋天道何其淫或時日杲杲或  
時雨淋淋方如坐蒸甑又似立烘燼水火交相禪益熱與益深  
宛轉兒戲中日夜空呻吟何如真鼎鑊殊我一寸金脫此寒暑

穀誰能復嘔噉

偶成

昨朝門前地寸裂今朝床下泥尺深人生世間一蒲柳豈堪日  
炙復雨淋起來高歌離騷賦睡去細利梁父吟已矣已矣尙何  
道猶有天地知吾心

移司卽事

自大雨後兵馬司牆壁頽落地皆沮洳因不可居七月五日  
移司官籍監予以詰朝行詩以記之

燕山積雨泥塞道大屋欲傾小屋倒赭衣棘下無顏色倉卒移

文信國公集

卷十四

指南後錄

吳

司避流潦行行枉楛如貫魚憐我龍鍾遲明早我來二十有一  
月若書下下幾一考夢回恍惚入新衙不知傳舍何時了寄書  
癡兒了家事九牛一毛亦云小天門皇皇虎豹立下土孤臣泣  
雲表莫令赤子盡爲魚早願當空日杲杲

不睡

頻搔白首強憂煎細雨青燈思欲顛南北東西三萬里古今上  
下幾千年只因知事翻成惱未到放心那得眠眼不識了馬前  
卒隔床斲鼻正陶然

官籍監

兵馬司移寓官籍監予監一室頗瀟灑明窗淨壁樹影橫斜  
可愛也賦五絕

塵滿南冠歲月深  
燈移一室倚旃林  
天憐儂是青山客  
分與窗根兩樹陰

壁間頗自有龍蛇  
原是誰人小住家  
不似爲囚似爲客  
倚窗望斷暮天涯

曾過蘆溝望塔尖  
今朝塔影接虛簷  
道人心事真方丈  
靜坐日長雲滿簾

軍衙馬足起黃埃  
門掩西風夢正回  
自入燕關人世隔  
隔牆忽

文信國公集

卷十四

指南後錄

四九

送市聲來

新來窗壁頗玲瓏  
盡把前時臭腐空  
好醜原來都是幻  
蘧廬一付夢魂中

還司卽事

一兵馬司苦於地窄  
其東偏有大宅官買之  
以廣治所舊廳事  
遂爲空閑七月十一日  
囚自官籍監悉歸獄  
舊廳事之西有一室  
處予其間其地高燥而  
空涼蕭然獨往寂無  
來人又一境界也五言  
八句二首

幙燕方如寄屠羊  
忽復旋霜枝空獨立  
雪窖已三遷  
漂泊知何

所逍遙付自然庭空誰共語拄頰望青天

秋聲滿南國一葉此飄蓬牆外千門迥庭皋四壁空誰家驢吼  
月隔巷犬嗅風燈暗人無寐沈沈夜正中

夜起二絕

惆悵高歌入睡鄉夢中魂魄尙飛揚起來露立頻搔首夜靜無

風自在涼

三年獨立已成僧欲與何人說葛藤夜夜隔牆囚叫佛三生囚

果伴孤燈

還獄

女信國公集

卷十四

指南後錄

五

予自官籍監還兵馬司止予舊廳事西偏之室獄戶既茸以

八月七日復返故處向之所謂臭腐溼蒸依然故在回視吾

所挾亦浩然而獨存作古風一首

人情感故物百年多離憂桑下佳三宿應者猶遲留矧茲方丈

室屏居二春秋夜眠與晝坐隕乎安楚囚自罹大雨水圍土俱

湯舟此身委傳舍遷徙無定謀去之已旬月宮室重綢繆今夕

果何夕復此搔白頭恍如流浪人一旦歸舊遊故家不可復故

國已成邱對此重回首汪然涕泗流人生如空花隨風任飄浮

哲人貴知命樂天復何求

偶賦

蒼蒼已如此梁父共誰吟袖有忠臣傳床無壯士金收心歸寂  
滅隨性過光陰一笑西山晚門前秋雨深

讀杜詩

平生蹤跡只奔波偏是文章被折磨耳想杜鵑心事苦眼看胡  
馬淚痕多千年夔峽有詩在一夜來江如酒何黃土一邱隨處  
是故鄉歸骨任蹉跎

感懷二首

交遊兵後似蓬飛流落天涯鵲繞枝唐室老成惟我在柳州先

文信國公集

卷十四

指南後錄

至

友託誰碑泥塗猶幸瞻佳士甘雨如何遇故知一死一生情義  
重莫嫌收拾老牛屍

伏龍欲夾太陽飛獨柱擎天力弗支北海風沙漫漢節浯溪煙  
雨暗唐碑書空已恨天時雨情往徒懷國士知抱膝對人復何  
語紛紛坐冢卧爲屍

先兩國初忌 九月初七日

北風吹黃花落木寒蕭颯哀哀我慈母玉化炎海秋日月水東  
流音容隔悠悠小祥哭下邳大祥哭幽州今此復何夕荏苒星  
三周嗟哉不肖孤宗職曠不脩昔母肉未寒委身墮冠讐仰藥

早云遂庶從地下遊大阿落人手死生不由南冠坐絕域大  
期落淹留白華下玄髮碧薜生緇裘心口自相語形影傍無儔  
空庭鬼火闌天黑對牢愁魚軒在何處魂魄今安不見女各北  
歸墳墓委南陬寒食雨淒淒孟飯誰與投荆棘纏蔓草狐兔緣  
荒邱長夜良寂寞與我同幽幽我心亦勞止我命實不猶昨夕  
夢堂上樂醕歡綢繆覺來尚恍惚血涕連衾稠晨興一瓣香痛  
如螫在頭吾家白雲下萬里同關憂遙憐弟與妹儿筵羅庶羞  
既傷母在殯又念兄在囚兄囚不足念母亦爲母謀三聖去已  
遠穹壤莽洪流緬懷百世慮白骨甘墳溝冥冥先大夫鬱鬱蒼

文信國公集

卷十四

指南後錄

十一

松楸防山迄合塋眼日復何求

重陽

萬里飄零兩鬢蓬故鄉秋色老梧桐雁樓新月江湖滿燕別斜  
陽巷陌空落葉何心定流水黃花無主更西風乾坤遺恨知多  
少前日龍山如夢中

又三絕

世事蒙蒙醉不知南山秋意滿東籬黃花何故無顏色應爲元

嘉以後詩

人間萬事轉頭空阜帽飄蕭一病翁不學孟嘉狂落魄故將白

髮向西風

老來憂患易淒涼說到悲秋更斷腸世事不堪逢九九休言今日是重陽

夜

秋光連夜色萬里客淒淒落木空山杳孤雲故國迷衾寒霜江下燈晚月平西夢過重城曉千門雞亂啼

雨雪

秋色金臺路殷殷半馬蹄因風隨作雪有雨便成泥過眼驚新夢傷心憶舊題江雲愁萬疊遺恨鷓鴣啼

文信國公集

卷十四

指南後錄

七

偶成二首

燈影沈沈夜氣清朔風吹夢度江城覺來知打明鐘未忽聽鄰家叫佛聲

烏兔東西不佳天平生奔走亦茫然向來鞅掌真堪笑爛熳如今獨自眠

得兒女消息

故國斜陽草自春爭元作相總成塵孔明已負金刀志元亮猶隣典午身骯髒到頭方是漢娉婷更欲向何人癡兒莫問今生計還種來生未了因

爲或人賦 暗指留夢炎輩

悠悠成敗百年中  
笑看柯山局未終  
金馬勝遊成舊雨  
銅駝遺恨付西風  
黑頭爾自誇江總  
冷齒人能說褚公  
龍首黃扉眞一夢  
夢夢回何面見江東

世事

世事孤鴻外  
人生落日西  
棋淫詩興薄  
書倦夢魂迷  
汨汨馳還坐  
悠悠笑卽啼  
一眞吾自得  
開眼總筌蹄

斷雁

斷雁西江遠  
無家寄萬金  
乾坤風月老  
沙漠歲年深  
白日去如

文信國公集

卷十四

指南後錄

五

夢青天知此心  
素琴絃已絕不絕  
是南音

小年

燕朔逢窮臘  
江南拜小年  
歲時生處樂  
身世死爲緣  
鴉噪千山雪  
鴻飛萬里天  
出門意寥廓  
四顧但茫然

除夜

乾坤空落落  
歲月去堂堂  
末路驚風雨  
窮邊飽雪霜  
命隨年欲盡  
身與世俱忘  
無復屠蘇夢  
挑燈夜未央

壬午

丙子上巳前二日  
予至眞州  
今俯仰六周星矣  
撫詩念事爲

之流涕聊寫我心質諸鬼神爾

憶昔三月朔歲在火鼠鄉朝登迎鑾鎮夜宿清邊堂于時空廳  
霧陽精黯無芒胡羯犯彤宮犬戎升御床慘淡銅駝泣威垂朱  
鳥翔我欲疏河嶽借助金與湯吾道率曠野繞樹空徬徨慷慨  
撫鰲背艱關出羊腸扶日上天門隨雲拜東皇祖逖誓興晉鄭  
啟義扶唐人謀豈云及天命不于常泗水沈洛鼎荆邱植汶篁  
瑤宮可敦后玉陛單于王革命曠千古被髮眇八荒海流忽西  
注天旋俄右方嗟予俘爲馘萬里勞梯航秋風上歐脫夜雪臥  
桁楊南冠鄭大夫北窖蘇中郎龍蛇共窟穴蟻蝨連衣裳周旋  
溲渤間宛轉泪沓場漠漠蒼天黑悠悠白日黃風埃滿沙漠歲  
月稔星霜地下雙氣烈獄中孤憤長唯存葵藿心不改鐵石腸  
斷舌奮常山挾齒厲睢陽此志已溝壑餘命終巖牆夷吾不可  
作仲連久云亡王衍勸石勒馮道朝德光末俗正靡靡橫流已  
湯湯餘子不足言丈夫何可當出門仰天笑雲山浩蒼蒼

生日

憶昔閒居日端二逢始生升堂拜親壽摳衣接賓榮載酒出郊  
去江花相送迎詩歌和盈軸鏗夏金石聲于時果何時朝野方  
休明人生足自樂帝力無能名譬如江海魚與水俱忘情詎知

文信國公集

卷十四

指南後錄

七

君父恩天地同生成旄頭忽墜地氛霧迷三精黃屋剝風捲國  
林殺氣平四海靡所騁三年老於行賓僚半蕩覆妻子同飄零  
無幾哭慈母有頃遭潰兵束兵獻穹帳囚首送空囹痛甚衣冠  
烈甘於鼎鑊烹死生久已定寵辱安足驚不圖坐羅網四見槐  
雲青朱顏日復少玄髮益以星往事真蕉鹿浮名一草螢牢愁  
寫玄語初度感騷經朝登蓬萊門暮涉芙蓉城忽復臨故國搖  
搖我心旌想見家下人念我涕爲傾交朋說疇昔惆悵雞豚盟  
空花從何來爲吾舞娉婷莫道無人歌時鳥不可聽達人貴知  
命俗土空勞形吾生復安適挂頰觀蒼冥

文信國公集

卷十四

指南後錄

五

端午

五月五日午薰風自南至試爲問大鈞舉杯三酌地田文當日  
生屈原當日死生爲薜城一死作汨羅鬼高堂狐兔遊雍門發  
悲涕人命草頭露榮華風過耳唯有烈士心不隨水俱逝至今  
荆楚人江上年年祭不知生者榮但知死者貴勿謂死可憎勿  
謂生可喜萬物皆有盡不滅唯天理百年如一日一日或千歲  
秋風汾水辭春暮蘭亭記莫作留連悲高歌舞槐翠

自歎三首

猛思身世事四十七年無鶴髮俄然在鸞飛久已殂二兒化成

十六女掠爲奴只有南冠在昂藏是丈夫  
北轍更寒暑南冠幾晦冥家山時人夢妻子亦關情惆悵心如  
失崎嶇命復輕遭時命如此薄分笑三生  
疾病連三次形容落九分幾成白宰相誰識故將軍陪坐羞紅  
日閑眠想白雲蒼蒼竟何意未肯喪斯文

病目二首

近來煩惱障左目忽茫茫政心雖碎劉伶醉未忘問天天不  
應食日日何傷萬想由來假收拾太乙光

向來巖下電無故眩生花達磨面向壁盧仝塌沙燈前心欲

文信國公集卷十四

指南後錄

卷

碎鏡裏鬢空華何日看明月沈沈斗柄斜

有感

心在六虛外不知身網羅病中長日過夢裏好時多夜夜頻危  
坐時時亦自歌平生此光景回首笑呵呵

拾遺

早起

曉日半窗紅鄰雞振翼雄餘子貪慵睡佳人理髮蓬未忘塵俗  
慮那免是非攻前山渾不見籠翠霧煙中

贈許柏溪惟一

長風吹飛葦清蠅吟野草流光速代謝興懷令人老遊子中夜  
起悠悠剛且歌明月委清照江湖秋涉多豈無臨澗魚亦有那  
鄴酒懷古招王孫登高重回首

南康軍和東坡酌江月詞用原韻

廬山依舊淒涼處無限江南風物空翠晴嵐浮汗漫還障天東  
半壁雁過孤峰猿歸老嶂風急波翻雪乾坤未歇地靈尙有人  
傑○堪嗟飄泊孤舟河傾斗落客夢催明發南浦開雲連草樹  
回首旌旗明滅三十年來十年一過空有星星髮夜深愁聽胡  
笳吹徹寒月

文信國公集

卷十四

指南後錄

五

驛中言別友人和東坡酌江月詞用原韻

水天空濶恨東風不借世間英物蜀鳥吳花殘照裏忍見荒城  
頽壁銅雀春晴令人秋淚此恨憑誰雪堂堂劍氣斗牛空認奇  
傑○那信江海餘生南行萬里屬扁舟齊發正爲鷗盟留醉眼  
細看濤生雲滅睨柱吞羸回旗走懿千古衝冠髮伴人無寐秦  
淮應是孤月

再和

乾坤許大算蛟龍原不是池中物風雨牢愁無着處那更寒蟲  
四壁橫梁題詩登樓作賦萬事空中雪江流如此方來還有英

傑○堪笑一頭飄零重來淮水正涼風初發鏡裏朱顏都變盡  
只有丹心難滅去去龍沙向江山回首青山如髮故人應念杜  
鵲枝上殘月

廣齋謂柳和王昭儀滿江紅韻惜未之見爲賦一闕

中齋作

玉母仙桃親曾醉九重春色誰信道鹿啣花去浪翻顰闕眉鎖  
嬌蛾山宛轉髻梳墮馬雲欲側恨風沙吹透漢宮衣餘香歇○  
霓裳散庭花滅斜陽燕應難說想春深銅雀夢殘啼血空有琵琶  
傳出塞更無環佩鳴歸月又爭知有客夜悲歌壺敲缺

和王夫人滿江紅韻以庶幾后山妾薄命之意

文信國公集

卷十四

指南後錄

堯

燕子樓中又捱過幾番秋色相思處青年如夢乘鸞仙闕肌玉  
暗銷衣帶緩淚珠斜透花鈿側最無端蓑影上窗紗青燈歇○  
曲池合高臺滅人問事何堪說向南陽阡上滿襟清血世態便  
如翻覆雨妾身原是分明月笑樂昌一段好風流菱花缺

代王夫人作

試問琵琶胡沙外怎生風色最苦是姚黃一朶移根仙闕王母  
權闌瑤宴罷仙人淚灑金盤側聽行宮半夜雨淋鈴聲聲歇○  
彩雲散香塵滅銅駝恨那堪說想男兒慷慨嚼穿齧血回首昭  
陽離落日傷心銅雀迎新月算妾身不願似天家金甌缺

王夫人原詞

太液芙蓉全不是舊時顏色嘗記得恩承雨露玉階金闕名播  
蘭簪妃后裏暈潮蓮臉君王側忽一朝聲鼓揭天來繁華歇

龍虎散風雲滅今古恨憑誰說顧山河百二淚流襟血驛館夜  
驚塵土夢宮車曉轉關山月若婦娥於我肯相容從圓缺人至

燕題驛中云中原  
傳誦惜未向少商量

浪淘沙 中齋

疏雨洗天晴枕簟涼生井梧一葉報秋聲誰念客身輕似葉千  
里飄零○夢斷古臺城月淡潮平便攜尊酒訪新亭不見當時

文信國公集 卷十四

指南後錄

六

王謝宅煙草青青

題張許雙廟

沁園春調

爲子死孝爲臣死忠死又何妨自光岳氣分土無全節君臣義  
缺誰負剛腸罵賊睚陽愛君許遠留得聲名萬古香後來者無  
二公之操百煉之剛嗟哉人生翕歛云亡好烈烈轟轟做一場  
使當時賣國甘心降虜受人唾罵安得流芳古廟幽沈遺容儼  
雅枯木寒鴉幾夕陽郵亭下有奸雄過此仔細思量

文信國公集卷十四終

文信國公集卷十五

吟嘯集

生朝 五月初二日

客中端二日風雨送牽愁昨歲猶潘母今年更楚囚  
田園荒吉水妻子老幽州莫作長生祝吾心在首邱

西瓜吟

拔出金佩刀斫破蒼玉瓶千點紅櫻桃一團黃水晶  
下咽頓除

文信國公集

卷十五

吟嘯集

煙火氣入齒便作冰雪聲長安清富說邵平爭如漢朝作公卿

石三峯爲示十字云昔日柔龍貴今朝汗馬勞爲足六句

雲低昏海日風急沸洪濤昔日乘龍貴今朝汗馬勞  
執綺汗塵

上珠玉委蓬蒿若作淒然賦吾將僕僦騷

早秋

寒魄澹玄河商飈慄明發羈人坐環堵壯士衣穿褐晉陵誰復

新秦陵尙云秣夫君百世心忠不在饑渴

寄惠州弟

五十年兄弟一朝生別離雁行長已矣馬足遠何之  
塋骨知無

地論心更有誰親喪君自盡猶子是吾兒

感傷

地維傾渤海天柱折崑崙清夜爲揮淚白雲空斷魂死生蘇子  
節貴賤翟公門高廟神靈在乾坤付不言

自歎

海濶南風慢天昏北斗斜孤臣傷失國遊子歎無家官飯身如  
寄征衣鬢欲華越王臺上望家國在天涯

虎頭山

蚤不逃秦帝終然陷楚囚故園春草夢舊國夕陽愁妾婦生何

文信國公集

卷十五

吟嘯集

二

益男兒死未休虎頭山下路揮淚憶虔州

高沙道中

道逢死人骨委積萬有千魂魄侵蠅蚋膏脂飽烏鳶使我先朝  
露其事亦復然丈夫竟如此吁嗟彼蒼天古人擇所趣肯蹈不  
測淵奈何以遺體糞土同棄捐初學蘇子卿終慕魯仲連求仁  
而得仁甯死溝壑填自古皆有死死不污腥羶秦客載張祿吳  
人納伍員季布疑在魯樊期托於燕國士急人病憫儻何拘孿  
伊人莫知我此恨付重泉

戰場

三年海嶠擁貔貅一日蹉跎白盡頭  
垓下雌雄羞故老長安咫尺泣孤囚  
魚龍沸海地爲泣煙雨滿山天也愁  
萬死小臣無足憾蕩陰誰共侍中遊

哭崖山

寶藏如山席六宗樓船千疊水晶宮  
吳兒進退尋常事漢氏存亡頃刻中  
諸老丹心付流水孤臣血淚灑南風  
早來朝市令何處始悟人間萬法空

上塚吟

一湘人有登科者初授武岡尉單車赴官守名家正擇壻尉木

文信國公集卷十五

吟嘯集

三

有室隱其實而取焉官滿隨婦翁入京自是捨桑梓去墳墓  
終身不歸後官至侍從其糟糠妻居母家不復嫁歲時爲夫  
家上塚婦禮不廢方人作古詩一首曰上塚吟某讀之爲之  
感慨因更廣其意賦五言一篇

余昔從君時上堂拜婦嬀相攜上祖塚歲時持酒漿姑嬀相繼  
沒馬鬣不在鄉共君嘔盂飯清涕流襦裳君貧初赴官有家不  
得將妾無應書見松楸自成行君別不復歸歲月何茫茫長安  
擁朱綬執雁事侯王出無一紙書道路阻且長年年酌寒食妾  
心良自傷君家舊巾幗至今囊且藏諒君霜露心白首遙相望

墓無主墓碑

風雨中見道傍一碑題云墓無主墓之記乃大定戊申所立  
雨衣淋漓字畫漫滅惜不得下馬讀之

路逢一石碑亭亭傲風雨停驂髮髯看云是無主墓末書戊申  
歲屈指九十秋是時龍渡江甲子恍一周借問墓者誰承平百  
世祖亦有周餘民戰骨委黃土太祖下江南誓不戮一人神孫  
再立國天以報至仁大河流血丹屠毒誰之罪潼關忽不守皇  
皇依汴蔡螳螂知捕蟬不知黃雀來今古有興廢重爲生人哀

邳州哭母小祥

文信國公集

卷十五

吟嘯集

四

我有母聖善鸞飛星一周去年哭海上今年哭邳州遙想仲季  
間木主布筵凡我躬已不閱祀事付支子使我早淪落如此終  
天何及今畢親喪於分亦已多母嘗教我忠我不違母志及泉  
會相見鬼神共歡喜

哭母大祥

九月七日先母夫人大祥之辰某爲子不孝南望嗚咽爲哀

章一首

前年惠州哭母斂去年邳州哭母朞今年飄泊在何處燕山獄  
裏菊花時哀哀黃花如昨日兩度星周俄箭疾人間送死一大

事生兒富貴不得力祇令誰人守墳墓零落瘴鄉一堆土大兒  
狼狽勿復道下有二兒並二女一兒一女亦在燕佛廬設供捐  
金錢一兒一女家下祭病脫麻衣日晏眠夜來好夢歸故國忽  
然海上見顏色一聲雞叫淚滿床化爲清血衣裳溼當年發緯  
意謂何親曾撫我夜枕戈古來全忠不全孝世事至此甘滂沱  
夫人開國分齊魏生榮死哀送天地悠悠國破與家亡平生無  
憾惟此事二郎已作門戶謀江南葬母麥滿舟不知何日歸兄  
骨狐死猶應正首邱

哭妻文

文信國公集

卷五

吟嘯集

五

烈女不嫁二夫忠臣不事二主天上地下惟我與汝嗚呼哀哉

先太師忌日

太師忌汗漫二紀似跳丸弟妹俱成立家鄉忍破殘衣冠晨月  
暗墳墓夜風寒萬里逢先忌無言把淚彈

告先太師墓文

維己卯五月朔越二十有六日孝子某自嶺被執至南安軍謹  
具香幣遣人馳告於先太師葦齋先生墓下嗚呼人誰不爲臣  
而我欲盡忠不得爲忠人誰不爲子而我欲盡孝不得爲孝天  
乎使我至此極耶始我起兵赴難勤王仲弟將家遁於南荒宗

廟不守遷我異疆大臣之誼國亡家亡靈武師興邂逅歸國再  
相出督身荷憂責江南之役義聲四克爲親拜墓以翦荆棘大  
勦奮厲以爲後圖惡運推遷天所廢棄有母之喪尋失嫡子哭  
泣未乾兵臨其壘倉皇之間二女天逝翦爲囚虜形影獨存仰  
藥不瘳竟北其轅繫頸繫足過我里門望墓相從恨不九原爰  
指松楸有言若誓繼令支子實典祀事有姪曰昇我身是嗣與  
言此血淚如雨嗚呼自古危亂之世忠臣義士孝子慈孫其  
事之不能兩全也久矣我生不辰罹此百凶求仁得仁抑又何

文信國公集

卷十五

吟嘯集

六

怨幽明生死一理也父子祖孫一氣也冥漠有知尚哀鑒之

余始至南安軍即絕粒爲告墓文遣人馳歸白之祖禰瞑目  
長往含笑入地矣乃水盛風駛五日過廬陵又二日至豐城  
知所遣人竟不得行余至是不食垂八日若無事然私念死  
廬陵不失爲首邱今心事不達委命荒江誰知之者盡少從  
容以就義乎復飲食如初因記左傳申包胥哭秦庭七日勺  
飲不入口不聞有他迺知餓踏西山非一朝夕之積也余嘗  
服腦子二兩不死絕食八日又不死未知死何日死何所哀

感興

萬里雲山斷客魂浮雲心事向誰言月侵鄉夢夜推枕風送牽  
愁晝掩門蘇子窖中閒日月石郎家裏舊乾坤聞夕死吾何  
恨坐把春秋子細論

正月十三日

去年今日遁崖山望見龍舟咫尺間海上樓臺俄已變河陽車  
駕不須還可憐我乳煙橫塞空想鶻啼月掩關人世流光忽如  
此東風吹雪鬢毛斑

上元懷舊

文信國公集

卷十五

吟嘯集

七

禁門三五金吾夜回首青春忽二毛池上昔陪王母宴斗中今  
直貴人牢風生江海龍遊遠月滿關山鶴唳高夢到鈞天燈火  
開依然彩筆照宮袍

讀史

自古英雄士還爲薄命人孔明登四十韓信過三旬壯志催龍  
虎高詞泣鬼神一朝事千古何用怨青春

遣興二首

一落顛崖不自由春風相對說牢愁稚驢黑月光中吼饑鼠青  
燈影下遊豈料乾坤成隨甌始知身世是虛舟遙憐海上今塵

上兩代風流不肯休

東風吹草日高眠試把平生細問天燕子愁迷江右月杜鵑聲  
破洛陽煙何當林下尋元亮只向塵中作魯連莫笑道人空打  
坐英雄收斂便神仙

四月八日

今朝浴佛舊風流身落山前第一州  
巔上瑤桃俄五稔海中玉果已三周  
人生聚散真成夢世事悲歡一轉頭  
坐對薰風開口笑滿懷耿耿復何求

夜起

交信國公集

卷十五

吟嘯集

八

夢破東窗月半明此身雖在只堪驚  
一春花裏離人淚萬里燈前故國情  
龍去想應回海島雁飛猶未出江城  
客愁多是西山雨一任蕭條白髮生

端午感興三首

千金鑄鏡百神愁功與當年禹服侔  
荆棘故宮魑魅走空餘楊子水東流

當年忠血墮讒波千古荆人祭汨羅  
風雨天涯芳草夢江山如此故都何

流棹西來恨未銷魚龍寂寞暗風潮  
楚人猶是貪兒戲江上年

年奪錦標

見艾有感

過眼驚初夏回頭憶晚春已憐花結子又見艾爲人故國丹心  
老中原白髮新靈修那解化清夢楚江濱

自歎

綠槐雲影弄黃昏月照牢愁半掩門一片心如千片碎十分鬢  
有二分存沙邊黃鵠長回首江上社鷗空斷魂豎子溷人漫不  
省紅纓白馬意軒軒

自遣

文信國公集

卷十五

吟嘯集

九

詩餘眠白日飲後坐清風萬事乘除裏平生鷓鴣中心無隨境  
變意自與天通莫笑邯鄲夢惺惺更是空

自述

赤舄登黃閣朱旗上紫垣有心扶日月無力報乾坤往事飛鴻  
渺新愁落照昏千年滄海上精衛是吾魂

不睡

終夕起推枕五更聞打鐘精神入朱鳥形影落盧龍弭節蓬萊  
島揚旗大華峰奔馳竟何事回首謝喬松

七夕

大地風塵惡長天歲月奔憂來渾是感夢破與誰言  
緜鶴空回首河牛暗斷魂吾今拙又拙無復問天孫

有感

石郎草草割山川一落人手三百年八州風雨暗連天  
三皇五帝如飛煙人人野祭伊水邊春秋斷爛不復傳  
白頭潦倒今魯連夜深危坐日晏眠

聞季萬至

去年別我旋出嶺今年汝來亦至燕弟兄一囚一乘馬  
同父同母不同天可憐骨肉相聚散人間不滿五十年  
三仁生死各有

文信國公集

卷十五

吟嘯集

十

意悠悠白日橫蒼煙

有感

丁丑歲八月十七日家人陷今恰三周而予在行既十閱月

矣有感而賦

平生心事付悠悠風雨燕南老楚囚故舊相思空萬里  
妻孥不見滿三秋絕憐諸葛隆中意贏得子長天下遊  
一死皎然無復恨忠魂多少暗荒邱

感懷

已卯八月二十四日予以楚囚發金陵十月一日至燕越五

日催犴犴今爲庚辰中秋後九日感懷四十字

去歲趨燕路今晨發楚津浪名千里客剩作一年人鏡裏秋容別燈前暮影親魯連疑未死聊用托芳塵

重陽三首

庚辰

飄零萬里若爲家一夜西風吹鬢華祇有新詩題甲子更無故舊對黃花

江南秋色滿梧桐回首青山萬事空怕見鏡中新白髮長將破帽裹西風

風捲車塵弄曉寒天涯流落寸心丹去年醉與茱萸別不把今

文信國公集

卷十五

吟嘯集

士

年作健看

己卯十月一日予入燕城歲月冉冉忽復周星而予猶未

得死也因賦八句

去冬陽月朔吾始至幽燕浩劫真千載浮生又一年天南照天北山後接山前夢裏乾坤老孤臣雪咽嚙

己卯十月五日予入燕獄今三十有六旬感興一首

石晉舊燕趙鍾儀新楚囚山河千古痛風雨一年周過雁催人老寒花送客愁捲簾雲滿座抱膝意悠悠

去年十月九日余至燕城今周星不報爲賦長句

君不見常山太守罵羯奴天津橋上舌盡刺又不見睢陽將軍  
怒切齒三十六人同日死去冬長至前一日朔庭呼我弟爲屈  
丈夫開口卽見膽意謂生死在頃刻赭衣冉冉生蒼苔書雲時  
節忽復來鬼影青燈照孤坐夢啼死丹心破只今便作涓水  
囚食粟已是西山羞悔不當年跳東海空有魯連心獨在

冬至

書雲今日事夢破曉鳴鐘家禍三生劫年愁兩度冬江山乏小  
草霜雲見孤松春色蒙泉裏煙蕪幾萬重

冬晴

文信國公集

卷十五

吟嘯集

三

北國天寒少南方地氣來年光如箭去世事正輪迴可怪新祈  
雪相思久別梅夜闌燈坐暗獨自撥殘灰

自歎

可憐大流落白髮魯連翁每夜瞻南斗連年坐北風三生遭際  
處一死笑談中贏得千年在丹心射碧空

戊寅臘月二十日空坑敗被執於今二周年矣感懷八句  
橫磨十萬坐無謀回首蹉跎海上州太傅只圖和藥了將軍便  
說研頭休乾坤顛倒眞千劫身世留連復一周一死到今如送  
佛青鬢淡月夜悠悠

所懷

萬里青山兩鬢華老臣無國又無家  
乾坤局促籠中鳥風雪飄零糞上花  
歲晚江空人已逝天寒日短路何賒  
書生不作綱常計聞是東門已種瓜

除夜二首 庚辰

門掩千山黑孤燈伴不眠  
故鄉在何處今夕是窮年  
住世真無係爲因已自然  
勞勞空歲月得死似登仙

歲暮難爲客天涯況是囚  
乾坤還許大歲月忽如流  
夢過原無夢憂多更不憂  
屠蘇兒女態肯作百年謀

文信國公集

卷十五

吟嘯集

三

元日二首 辛巳

金虬啣日出鐵騎勒春回  
天上青門隔人間白髮催  
霜寒欺舊草山晚放新梅  
環堵甘牢落東風枉卻來  
慙愧雲臺客飄零雪滿氈  
不圖朱鳥影猶見白蛇年  
官殿荒煙隔門庭宿草連  
乾坤自春色回首一潸然

初六日卽事

車馬燕山關誰家早管絃  
開門忽見雪擁被不知年  
篋破書猶在爐殘火復燃  
偷桃昨日事回首哭堯天

人日

今年爲蛇年此日是人日江右一龍鍾山中舊佔畢獨坐守大  
玄一笑發狂疾悠悠王正意衰涕感麟筆

自歎

功業羞前輩形骸感故吾屢拚嵇紹血幾蕪慶公鬚落落惟心  
在蒼蒼有意無江流總遺淚何止失吞吳

元夕二首

燈火喧三市衣冠宴九宸金吾不禁夜公子早行春夢斷青山  
遠愁侵白髮新燕山今夕月清影伴孤臣

飄零竟如此元夕幾堪憐南國張燈火燕山沸管絃相思雲萬

文信國公集

卷十五

吟嘯集

十四

里剩看月三年笑與東風道浮生信偶然



